

書名 空同先生集六十三卷 嘉靖九年序刊本
撰者 明 李夢陽 撰
卷 卷四
內容分類 集-別集-明中葉
索書號 倉石:40084
編號 4008000



卷四

空同先生集卷第一

賦一十首

疑賦

思賦

省愆賦

緒寓賦

俟軒子賦

一十首

疑賦

乾坤高卑易矣。星辰在下。江河逆矣。天喬喬天。

北郡李夢陽撰



[彩色首頁1](#)

[東洋文化研究所漢籍目錄 編號: 4008000](#)

[東洋文化研究所漢籍目錄所藏漢籍善本全文影像資料庫 索書號: 倉石:40084](#)

[漢籍善本全文影像資料庫文本空同先生集六十三卷 嘉靖九年序刊本](#)

[版權所有: 東京大學 東洋文化研究所](#)

[使用上的注意事項](#)

千尋之淵即磬餌遍江海兮力豈制橫波之鯨鱣
亂曰南山兮有巔微君子兮孰仁我淵萬年兮純
嘏子孫兮永延

空同先生集卷第四

北郡李夢陽撰

詩 古體

四言一十五首

裡社 辟雍

甘露 觀牲

效五子之歌 有鴟

青青者莆 有兔

河之揚 我行

始雷 我出城闔

河之渚 型範

歸壽

四言一十五首

禋社

禋社紀成也今

上肇禮于社臣夢陽以戶部員外郎從而賦禋社

元年仲春吉日維戊 天子肇修于社式對二后協

於百辟既祗既戒其日丁巳三星彗彗

百辟至止萃於臯門三星在隅乃辟乃闈有滄其雲有零其雨赤鳥踳踳于壇之所

八佾剡剡百燎盈庭左金右石牖鼓孔行 帝命元

鐘

臣曰戎朕代式虔式穆厥維朕載

元臣受命爰蕭其躬月出則光三星在中磬管喤

喤有萬斯舞爰配二辟犧尊維俎

於神來格殷殷番番龍旂載揚雷霆嗥嗥明明對越

蕭蕭奔走神既醉飽錫辟之祐

適皇纘業配天于京三辰允禎曰雨曰暘皇降嘉實

來牟黍社敷文戢戈克紹豕土

禋社六章章八句

辟雍

辟雍紀視學也

天子至止于彼辟雍和鸞央央其來雍雍象輅金衡

社本作社

有蒼其龍光于廟宮是依是崇

吉日維申修我元祀皇祝設樂鏞鼓萬舞有筐有篚以享以祀群執肅肅秉德弗渝

維其觀者三氏孫子其冠我我來忻來止翩彼鳳鳥集于東林繹其觀者其爛如雲

自門徂基辟儼若思青衿濟濟以辟以師爰命祭酒司業拜手訃哉嘉謀作民元后

帝若曰都戎言式弘匪道何程匪猷曷承載弼元理維協乃有衆拜稽首天子萬壽

煥旒旆旆淵淵伐鼓皇發辟雍用惠下土自天降休豐年穰穰藹藹王多吉人四國用康

辟雍六章章八句

甘露

甘露紀異也元年冬至甘露降于陵樹

於辟是興皇用錫祉苞有八業侯茂侯采

填填墉壑有巖廟宮湛彼露斯既霑既降

湛彼露斯于松于柏是堅是掇罔匪澤澤

苑彼陵樹有爛其華盈盈蓊蓊光于邦家

蕩蕩上帝降監在茲維辟時格豈曰匪時

其時伊何厥陽載升爰液乃濡惠我孔明

其昭伊何曰帝攸績靡濫靡僭甘澍斯獲

明明昊天是歆是臧臣作誦言告于萬方

甘露八章章四句

觀牲

觀牲大儀也

赫赫明明 天子攸行以修肇禘以對于上帝

天子至止觀牲于郊龍旂交交馬鳴蕭蕭

帝至于郊於赫有臨載穆載欽曰歲事是歆

帝降于圉犧人脫福羊牛鹿豕儷儷濯濯濯濯牲牲

翔 帝之圉其牲孔碩甫甫麇麇

城人伐鼓 帝至郊所于旄淠淠虎士孔武乘彼大

路八鸞與與昭于萬邦光于 皇祖

觀牲五章三章章四句二章章八句

效五子之歌正德年作

大禹曰咨咨太康女何樂于田十旬弗返百姓離

女厥緒用殄洛汭湯湯流于冀方曷歸曷歸我心憂

傷

大禹曰咨咨太康敬哉有土母荼毒下民母曰民小

母我崇尊天自我民明威

大禹曰咨咨太康天命難忱慎德者昌維帝克堪奄

有萬方乃罔攸序上帝殛罰女

大禹曰咨咨太康母遊于盤母荒于田母小人是庸

嗜貨靡不顛母曰予一人天下予何天方降爾嗟

大禹曰咨咨太康彼曰不臧是謀是從此曰既經是

辰是戕不念爾祖獨不念爾土嗚呼敬哉敬哉天罔私隲女

效五子五章二章章九句一章八句二章二

章六句

有鴟

有鴟諷也

有鴟有鴟集于喬林征夫遑遑以北以南居人之子

我是用單

東人之子衣服粲粲西人之子車馬有爛中人之子

嚶嚶衍衍

誰屋室潭潭誰教猥有冠誰遇人艱難誰寤寐永嘆

爾視爾友令色令儀弗視爾友靡臧靡嘉爾視爾友

予德予哲背姻背婭罔不愆蔑

朔日日虧十月其雷山川震劓星辰逆行二三君子

匪疚匪疾日時則然匪我敢逸

燕雀在堂翩翩其羽綏綏魴鱖在于河渚弗念弗苗

孰獲爾所小子作詩誨言式女

有鴟六章二章章六句三章章八句一章

四句

青青者莆

青青者莆感遇也

青青者莆生于汗池煥旒有翩君子攸悲

有蕩者道其木喬喬有鳥嘒嘒女有巢漂援
有石嶸嶸在干中泉我思漑囂畏子不前

青青者莆三章章四句

有兔

有兔閔獵樺也

有兔有兔其來趨趨有罍龜龜虞人之縛
有兔綏綏瞻子傷悲豈女有母我子無所
爾粟爾糜爾有猶狸云胡樂而

有兔三章二章章四句一章三句

河之揚

河之揚怨離也

河之揚其葉幡幡子之歸矣誰與我晤言
河之湍兮我心博兮庶見子旋兮

河之揚二章一章四句一章三句

我行

我行思也

采蠶采蠶于彼中野我行思于瞻望伊阻
我有邊有俎湑湑我酤坎坎我鼓反反我舞
有筵有凡我有桃李不見子都實維憂矣

我行三章章四句

始雷

雷于辰宜也然懼其弗施也弗威也又弗廣也

作始雷

雷之磕兮，西山之陽兮，翕兮張兮，發坤藏兮，闡而昌兮。

雷之升兮，列缺光兮，驅罔象兮，劃幽匿兮，維民之福兮。

雷競競兮，民愬愬兮，施甘雨兮，冒下土兮，登我稷黍兮。

我出城闈

我出城闈，閔水也。臨晴甲申秋久雨水，涌陸

地行舟

我出城闈，浩浩其流，我車我馬，登彼方舟，昔也長薄

乃今舟之，滔滔波塗，昔也疇之。

嗚呼蒼天，雨無其極，於我良田，浥我稼穡，賣牛買船，賣鉏買楫，夕之朝之，濟有深涉。

彼負者子，涉寒號咷，彼輦者子，陷泥中濤，彼車者子，馬顛濡毛，彼往來者，誰子冠蓋而遊遨。

我出城闈三章章八句

河河之渚，之渚送鮑氏也。

河之渚，鳧鴈與與，我駕我車，載言送汝，河水淟淟，汝舟淠淠，冬十有一月，甲申者歲。

河之沙，浩浩其霜，人廬人處，子也獨行，廬匪不懷，茲非我邦，豈無念處，旋我舊鄉。

舊山有廬溪則有魚有車馬驅有琴瑟笙竿烈風施
施寒日冰瀨汝征汝過

山有栲亦或有栲魚潛于淵或在于沼芻蕘之言君
子敬聽慎爾威儀擇爾友朋

河之渚四章三章章八句一章七句

刑範

刑範省躬也

器土必型器竹必範綏則有蟬冠則有范哲人畏威
爰矜爰業省之察之春冰是涉

帝命攸畀而胡罔嘉忽心乘之厥玉斯瑕聖戒罔令
賢省日三輿則倚之立則如參

淵魚負冰谷鳥嚶嚶賢豈在貴愚匪無榮維彼賢人
省躬靡疚彼愚何人外華中垢

型範三章章八句

歸壽

歸壽者李亨為東野子作者也東野子年六十
其子經自大梁馳而歸壽焉於是作歸壽

春日既熙有繁其梅爰啓我堂我尊我壘穆穆其賓
揖讓先後介我眉壽飲我清酒

爾生之辰爾子造馳何以獻之玉斗金卮春華載殷
舞衣爛斑庭樹青葱鳥鳴關關

又何獻之崧高之松翠蕤屈枝盤盤如龍又何獻之

維河之鯉玉鬢曜陽金鱗泚泚

歸壽三章章八句

空同先生集卷第四





